

宋朝大詔令集

宋相大誥合集卷第二百三十一

政事八十四

四尚五

契丹五

回大遼賀同天節書

四月日姓大宋皇帝謹啟書于叔大遼聖文神武全功大畧懿仁睿
孝天祐皇帝闕下天陽居夏節紀於誕額國寶惟鄰情敦於承文沐
華函之中慶致興幣以將誠載味至言增銘深素分荆州觀峽使廟
廣等回尋奉書陳謝不宣謹白

回大遼皇太后賀同天節書

四月日姪孫大宋皇帝謹啟書于叔祖母大遼慈懿仁和文忠純孝
顯聖昭德高愛宗天宮太后闕下誕日紀辰屬薰暉之均燠睦隣修

好煩使駟之特誠詞致我存幣儀無朕永惟感悃周喻名言今懷化
軍節度使耶律暉等回壽奉書陳謝不宣謹白

賀大遼皇太后生辰書

十二月姪孫大宋皇帝謹致書于叔祖母大遼慈懿仁和文化純孝
顯聖昭德廣愛宗天皇太后訓下柔烈凝陰南臨於杪歲柔嘉懿德
度紀於誕辰夙成使輅奉將禮幣益因善鄰之好永綏萬壽之祺今
差某官充生辰國信仗劄有少禮物具諸別幅專奉書陳賀不宣謹
白

問狀大遼書

十二月姪大宋皇帝謹致書于叔大遼聖文神武全功大畧聰仁睿
孝天祐皇帝問下日紀將窮時寒既若緬想善鄰之德克綏冲履之
祥益冀保頤用符馳詠今差某官充皇太后生辰國信仗式修禮聘

專運誠懷不宣謹白

賀大遼皇太后正旦書

正月一日姪孫大宋皇帝謹致書于叔祖母大遼慈懿仁知文惠純孝顯聖昭德廣愛宗天皇后閣下尺今開端歲陽協吉緬惟柔德茂介純休光將信幣之儀中講善辭之好永言欣頌曷究敷陳今差某官充正旦國信使副有少禮物具諸別幅專奉書陳賀不宣謹白

賀大遼正旦書

正月一日姪大宋皇帝謹致書于叔大遼聖之神武全功大畏聰仁膺孝天祐皇帝閣下歲律肇新物華滋始眷賢憐之類交篤于世耀履瑞月之元為跡于時征愛馳使傳德致慶儀今差某官充正旦國信使副有少禮物具諸別幅專奉書陳賀不宣謹白

回大遼賀正旦書

正月一日姪大宋皇帝謹致書于叔大遼聖文神武全功大略聰仁
睿孝天祐皇帝問下歲元協吉屬春物之開榮鄰習修驪傾夜粘之
將慶味書辭之凝厚承信幣之豐嘉載載恭私良深欣感今五州觀
察使耶律寧等回專奉書陳不宣謹白

回大遼皇太后書

四月日姪孫大宋皇帝謹致書于叔祖母大遼慈懿仁和文惠純孝
顯聖昭德廣愛宗天皇后問下荐迂使持嗣講隣和形書意以彌
勤政幣儀而兼腆具承柔履茂介純慈更奧綏將用荷祝詠今林牙
再復軍節度使蕭禧回專奉書陳謝不宣謹白

賀大遼生辰書

十二月日姪大宋皇帝謹致書于叔大遼聖文神武全功大略聰仁
睿孝天祐皇帝問下盛冬布令方寒沍之若時燭月紀辰宜壽昌之

嚮福特馳信介往過誠悰具將慶幣之儀用永睦鄰之好今差某官
充生辰國信使副少有禮物具諸別幅專奉書陳賀不宣謹白

問候大遼皇太后書

十二月日姪孫大宋皇帝謹致書于叔祖母大遼慈懿仁和王憲純
孝顯聖昭德廣愛宗天皇太后閣下歲律將終寒威載厲緬想柔嘉
之德茂綏我教之和申遣使輅絕修隣聘更祈冲音用慰勤悰今差
某官充皇帝生辰國信使副專馳緘幅以達誠懷不宣謹白

答契丹國土書

辱遣使指來脫亟封厯陳二國之好有若一家之義固知鄰邦深執
信符獨論邊鄙之臣嘗越封疆之守顧今移徙以復舊常竊惟兩朝
撫有萬宇豈重尺土之利而輕累世之歡况經界之間形勢可指方
州之內國籍具存寧遣官司各加覆事葆事由夙昔國難徇從或誠

兩朝維好六紀于茲事師故常頌存悠久比承使指諭及違鄰已約
官司仍從辨正當守封圻之信以需事實之分而信使未通師屯先
集從焚侯戎傷射巡兵舉亦力爭殊非知義至欲當中獨座位特改
於臣工鼓次橫郡席尤難於為主教從理屈終就暗言且地接三川
勢非一葉輒舉西陲之偏說要該諸案之提封屢索文憑既無提驗
欲同業視又不準從職用率違泮成滿滯竊意有司之失指昔非與
國之本謀茲枉輅車再出函問重加聘幣獨見歡悰然論時事之侵
盡置公移之詞證迷違臣之誠獨尤告病之愆期深認步端多非開
違重念合天比鬼神之聽共立誓言守祖宗疆土之傳各安生眾不
啻金縢之巨萬肯貪壤地之尺尋特欲辨論使無侵越而行人留館
必於分水以去求樞府緩辭期以興師而移圻豈其歷年之信約違
以細故而變諭已案與圖違為中畫仍令職守託改滿封巡吳英臨

洞加照悉

賀大遼皇帝生辰書

夙興仁情交修世好屬茲燕之今日紀誕育之初晨將篚幣以致誠
勅給車而馳度蒸膺壽域肅副願言

回大遼皇帝賀同天節書

正陽載候誕日膺期茂惟純好之寶麟夙有延齡之慶祝其將信幣
重遣使禮感悻無常名言雜喻

皇帝還太皇太后賀大遼正三書

正月一日姪孫大宋皇帝謹致書于叔祖大遼聖文神武全功大器
魏仁壽孝天祐皇帝闕下摩易歲元發新禁于萬物仰遵慈誨修舊
好於兩朝禮飭使軺廟將禮幣庶凝壽祉式副願言今差朝請大夫
右諫議大夫太原縣開國伯食邑九百戶賜紫金魚袋王陟臣皇城

使上騎都尉督皇孫開國伯食邑九百戶李嗣徽充太皇太后正旦
國信使副有少禮物具訪別幅專奉書陳賀不宣謹白

皇帝書

正旦一日云云獻嚴發香共謂三國之度齊隣純好茂臻五福之祥
中飭使車往陳信聲永宣欣頌曷罄謝陳今差中散大夫行司農少
卿上護軍南陽縣開國伯食邑七百戶賜紫金魚袋飛鴻序西京左
藏津副使騎都尉天水郡開國侯食邑一千一百戶楊安立云云

皇帝遣太皇太后回大遼賀正旦書

正月一日云云百年之好既誨於春朝萬壽之儀兼陳於恆殿恭因
省侍具達來音感悼之懷言宣莫罄今因利州觀察使蒲峽等回專
奉書陳謝不宣謹白

皇帝回書同上

正月一日云云東風協應感徂歲之史新遠使交馳導歡言而講信
泉然禮幣中以吉詞故憚之深教揚罔究今因高州觀察使耶律度
等回云云

皇帝遣太皇太后回大遼賀仲成節書元祐二年

七月日云云嘉月令辰萬生壽母珍函重幣交慶寶都已恭致於德
音捷欽傳於慈音具為感憚未易名言今崇義軍節度使蕭崇等回
云云

皇帝回問候書同上

七月日云云四牡載馳遠勤於使介尺書為問中諒於隣歡方履素
秋克膺純福益州得設式副願言云云

皇帝遣太皇太后賀大遼生辰書

十二月云云寒律既周詎辰載紀恭被慈闈之誨俾修慶幣之儀永

介壽康式符頌禱更祈調衛以副願言

云云

皇帝賀大遼生辰書

十二月日 云云 大呂運宮攝提正丑茲協誕彌之慶水周壽考之祥
臨遣使招往陳信幣其為故禱莫盡名 言云云

皇帝遣太皇太后賀大遼正旦書

正月一日 云云 歲律肇新鄰歡再講恭被慈聞之誨遠通慶溢之誠
益莫保順永綏壽嘏 云云

皇帝賀大遼正旦書

正月一日 云云 三陽朋來慶二儀之交泰兩朝維好指萬民之阜昌
中飭使申正特禮幣頒符善禱永介純嘏 云云

皇帝遣太皇太后回大遼問候書

十二月一日 云云 嘉平紀月震風惟時屬茲慶使之來重以慈聞之

問尋因者付志致誠言欣感之深敷陳周完今寧國軍節度使耶律拱辰等回云云

皇帝回大遼賀無隆節書

十二月日三三世睦寶都中以無窮之好歲馳華使及并載風之辰閱詞帝之無隆誠情文之備至願言欣感難悉定陳云云

皇帝遣太皇太后回大遼賀坤成節書

七月日云云星大西流度慈闈之誕日星華北至講隣國之誠言遠達來音重修賀禮感銘之素敷述雜周云云

皇帝回大遼問候書

七月日云云輅車信幣已修交度之儀天素好音復講久安之信屬臨素節允迪純禧益冀保順式符企詠云云

皇帝回大遼賀正旦書

正月日云云獻歲發各方祀永年之慶睦鄰敦好益修奕世之歡信
帝精華善詞溫醇載惟契良極欣悌今奉州觀察使耶律淨等回
云云

皇帝遣太皇太后回大遼賀正旦書

正月日云云正歲履端遠勤於華使慈闈申慶重錫於外函省侍之
餘誠言已達永惟欣感莫究言宣云云

皇帝回大遼賀興龍節書

十二月日云云誕日載臨鄰歡歲講封疆雖遠尋刻不踰惟信睦之
交修職情文之內至益深雅好良極欣悌云云

宋朝大詔合集卷第二百三十一

宋朝大詔今集卷第二百三十二

政事八十五

四角五

契丹五

答契丹勅和西夏書

元符二年四月辛卯
大遼使使蕭崇等回

載書藏府固和好於萬年使節馳聘建誠心于二國既永均於休戚
宜共恢大允茲惟西夏之小邦乃本朝之藩鎮曲加封植俾獲安完
雖於北掌深婚姻之親而在南全居臣子之分固容漫久變詐多端
爰自累歲以來無復事上之禮賜以金繒而不已加之封爵而愈驕
故探吏民圍犯城邑推原罪惡在所討除聊勸邊防稍修武事謹擬
要害扼控奔衝激於去歲之冬復驅竭國之衆來攻近塞凡涉兩旬
自取死傷數以萬計糧盡力屈衆潰宵歸更為詭誕之詞往求拯救

之力效猶之甚於此可知未聽之間固應洞曉又謂深加沮却乃煩
曲為勸和亦以華斌將之勢帶禮雖形於厚意事定異於前聞細料
雅懷誠非得已顧於信誓殊不相闕惟昔興宗致書仁祖諭竭力蕩
平之意深固休外禦之情至欲全除使無噍類謂有稽於一舉滅無
益於兩朝祖宗貽謀斯為善美子孫能忘其可殫忘今者祥味鱗鮮
有兩木喻輒違先旨諒不在茲如永念於前徽宜益敦於大信相期
固守傳示無窮矧彼夏人自知因感哀祈請命屢叩連闕已成封疆
之臣審覩情偽之狀儻或徒為空語陰蓄毒謀暫示柔伏之刑終懷
寃伺之志則決須討伐難緩矜容若出自至誠深悔前罪所言可信
聽命無違即當徐度所宜聞以自新之路我惟聽達必亮懼悚方屬
清和莫加葆喬請遣使人諮謝次

又回劄子同上

夏國自李結遠之後建國賜姓莫非恩出當朝所有疆土並是當朝
郡縣之地昨自元豐以來累次舉兵犯塞中間亦曾赦其罪戾加以
封冊許令朝貢原成賜金帛又遣官典之分畫疆界而狡詐反覆前
來於陝西河東作過不一無非母子同行舉國聚兵攻圍州軍城寨
去冬又於涇原路攻打城寨近二十日攻城之人被殺傷者不啻萬
數勢窮力屈方肯遁歸北之日前恩過不為不重以此邊路邊臣各
須出兵討逐輯禦及於控扼賊馬來路修葺城寨禦其奔衝夏人自
知罪惡深重乃更矯造詭辭飾非文過于告北朝求為收助緣南北
兩朝百年和好情義立厚苟同一家夏國犯順罪惡如此在北朝所
當共起魚鱗度歷四年興宗皇帝致書仁宗宣帝云奈爾元氣早衰
耆耄盈邊林牙齋詔問罪尚不後心逆誘過邊民二三百戶今議定
秋末親領師徒直臨賊境又云恩同北軍深入却附貴朝或再乞稱

臣或依常作貢餉惟英略勿賜允從又度麻五年書云元昊繼其先
黨提我親屬爲友愛之仇深在陽平之亦可又云蒲服亂常式首修
之不謹親隣協力務乎定以斯宜又聖祐元年再徵西征云元昊伺
窺邊事特議討除每幸邊方致熾元惡而夏國北告元昊云亡嗣童
未歲於於存花位猶懷於背詎我念非疎逃戶可致親征然料光禎
終合平陽苟有藉於一舉誠無益於兩朝至皇祐二年報西征回則
云是日昔秋親臨寇境先驅我艦立濟洪河奪得浮梁泊成成壘六
軍苦銳千里鼓行又云專提騎旅往赴東巢即收貨財戈甲印綬盡
懷倉敖駝索之餘焚燒殆盡盡毒尋殺無遺非可流殘全除必
矣又云急於情險之津已得行軍之路時加攻援日感困危難悔可
逆不亡何待哉想同休之契願協外禦之情謹惟北朝興宗皇帝偉
萬敬和情義系致方夏人有罪則欲協力討除及西征收提則此書

相度憲報國稱法修有明欲當朝勿賜允從今來兩朝教好歲久契
義日深在於相與之心宜有加於前日今適以夏人窮蹙之故詭辭
干告既移文計舍又遣使勸和恐與昔日異宗皇帝書兵情異況所
築城寨並無與北朝邊界相連之處即非有過兩朝信誓必料北朝
臣寮不為檢會往日書詞及所立誓約于細聞違奪其違呈奉昔據
夏人累年於當朝犯邊作逆理合討論况今來皆是驅逐併禦於兩
朝信誓及久未和好殊不相干蓋夏人逆以事力困窮見累次叫關
諭命且云國母喪亡若臣授首欲遣使告哀謝罪緣夏國久失臣節
本當調納今以此朝遣使勸和之故見今遣臣與之商量及緣夏人
前來書一面犯邊應伏當計窮力屈之時暫為恭順以款戎邊極欲
遣臣審察見得情偽若依前狀許內書若無後少蘇復來作逆則
理須擇禦及行討伐若果是出於至誠扶罪聽命亦當同受恩接許

以自新

回大遼皇帝賀登寶位書

九日姪孫大宋皇帝謹致書于叔祖大遼聖文神武全功大略
仁睿孝天祐皇帝閣下此昔祇膺駿命嗣守丕圖由敦鄰寶之歡載
飭使華之聘函書垂度苗帶見誠言念春私祈深懷感今保慶軍節
度使蕭穆如等回尋奉書陳謝不次謹白

賀大遼皇帝正旦書

正月一日姪孫大宋皇帝謹致書于叔祖大遼聖文神武全功大略
朕仁睿孝天祐皇帝閣下玉曆授時甫臨於獻歲齊鄰繼好用講於
虔儀臨遣使結往持聘幣庶中甚祝增介春祺今差左朝議大夫試
鴻臚卿上柱國河東郡開國公食邑三百戶賜紫金魚袋呂仲卿西
上閩門使上通軍天水縣開國男食邑三百戶趙希魯充正旦國信

仗副有少禮物具如別幅奉書陳賀不宣白

回大遼皇帝賀天壽節書

十月日姓錄大宋皇帝謹致書于叔祖大遼聖文神武全功大略聰
仁壽考天祐皇帝閣下良月謀時初紀誕彌之節善却嚴好遊中慶
禮之儀忠以好音副之信帶情文參厚儀荷兼崇今始平軍節度使
耶律等同壽奉書陳謝不次謹白

為北遼皇帝擬朝禁音樂舉哀成服詔

宣和元年九月丙辰

朕以大遼皇帝能修前世之好地息兩朝之民信帶交歡兩朝相聘
懷遠通路垂五十年恬然金石之情感乎膠漆之固忽聞哀訃良動
震懷是中違悼之儀以示哀和之意宜敷視朝七日禁在京及緣邊
音樂七日仍擇日成服舉哀今太常禮院詳定以聞

為契丹國母擬朝詔

宣和二年二月丙寅

狀以契丹國母致修辭好五紀于燕周馳使傳之未每置信函之問
恣然榮校者在兩朝恩親計言良深哀素宜報親制七日

為大遼立報制某樂某辰成服誌定中靖國二年

狀以大遼聖文神武全功大略聽仁睿孝天祐皇帝懿德在位四十
七年孟原却敵交馳使帶諸信修睦紐好息民兩朝生靈遠臻康靖
計音越玉震悼于懷爰中惻愴之情以盡敦和之意宜持報親制七
日魚菜在京音樂七日散視制日為始其河北河東汾遼州軍宜令
轉運司通謀限指揮刊亦某樂七日持日餘禮樂樂辰成服宜令太
常寺詳定以聞

賜玉紐志詔

皇祐九年
八月乙亥

石晉以卿貴封入奏備已詳志所云望遠久通和事朕君臨大寶于
育屏祗常思息戰以去人災故窮兵而歸武邊防之事汝素修知向

因何承祿上言乞差使往其特亦允所奏爾後別無所聞相次進陸復與戈甲今覽封疏深嘉懇誠服膺有褒獎為人父母當各惜厥身誠亦揚素懷予詔列日卿可容達此意共議事宜僅有省費之言即附邊臣聞奏

賜王繼志

嘉德元年七月

今年二十六日石晉遣人齎判牒書封奉狀和已領得近降手詔及言所議通和固已端的乞早遣一人到此商量亦聞奉降備已詳志須從邊事因虜王帝之教既絕使人逆攝于戈之後內地之交兵不息回方之安幣定多融場未嘗歲月蘇又合州再形去狀荷儀祭和保高議於款盟亦永固於家國安民純好今古美善况朕自守丕基常思遠歟務託救於文德宜書議於武功觀此未嘗因可素志已誠專差使命致書大達止於旦夕之間今自具稟前去恐可具言此意

請諭巡遊之人候見所遺伏車立令防護引送伴一价之徒無或稽留美兩朝之請得以通達

賜王雄忠

嘉德元年十一月十日

舊藩等以卿奏狀表曾利用性急報紳令人援接前去尋開道路致阻尚在元雄今有付利用手詔同封付卿便可開於大遼遣人齎送
賜援付報

賜王雄忠詔

嘉德元年十一月十日

繼者來章專候使命昨自孫崇等回後尋降手詔與天雄軍令速發利用往彼今張皓到關再覽卿奏果稱大雄軍以來奉詔者尚且指留今再降詔命令皓齎去鈎取候利用統到大遼可令皓赴關

賜王雄忠詔

嘉德元年十一月十日

北朝人使口回尋令繼昌同去修陳書誓明遠誠懷兩朝既議於然

盟有姓必期於安堵遂令諸州放出老小各逐營生仍戒諸路部署
州軍不得更出兵馬今據延慶奏報人民却有驚擾移入州城慮是
所在鄉村不運之輩或北朝流散從人偵知不出軍兵延結黨類恣
行騷動已命這司量出兵甲剪除賊盜安撫人民若遇北界兵並令
其違事意卿可以此達于北朝若有探聞游兵請即抽取先令相見
或致離明仍聞北朝諸寨幕之中獨帶老小可去流離慈愛誠可憫
差御冗細具敷揚盡令歸復共守和平之義免傷南北之情同上朕
實不諭誓約

賜五道志

詔

近因信使併者奏封梅惠平如無忌曉曉魚群圖非守春昨將到列
波卿記密附家書內乞朕再旨愛命別發書題送於北界俾得歸到
其書卿不曾齎到朕聞此意頗恨於懷於知之請無所不可其如昔

書之約各無所求質之於神明告之於宗廟儻少渝於大信是有國
於上穹若罔母以御首荷遠達特許歸後候鄉列闕則當尋馳使幣
厚達謝儀諒惟爾誠洞達厥意

宋明大詔今集卷第一百三十二

宋朝大治令集卷第二百三十三

政事八十六

四裔六

西夏一

趙保吉賜姓名除銀州觀察使詔

淳化二年七月丙午

王者推赤心以待天鑒丹書而念舊疆場之事雖守在於四鄰豈以
之家固賞延於十世銀夏等州蕃落使李繼遷馳殺沙漠襲屢旌旗
頃者因獻提封隅懷疑懼流寓邊塞綿歷歲時式微之詠既深在宥
之恩宜及賜之國姓俾預於宗盟授以庶車用綏於部落爾其體區
瓊之旨堅効順之誠使兄弟以如初保公侯之必復欽若明命尅思
令圖可特授金紫光祿大夫檢校太傅兼御史大夫銀州管内觀察
使封大水郡侯食邑一千五百戶賜姓趙名保吉仍放朝謝許使道

之官

答銀州觀察使趙保吉詔

淳化五年十一月庚戌

省所進馬橐駝共百一十三頭，疋待罪朕，握固御宇，恭已臨民，務推舍垢之仁，式示戒兵之武。向者以卿遠輸誠款，願革前非，朕道在納汗情深，款遇特投，察慮之任，厚加賜撫之恩，寵以嘉名，賜之國姓。朕之於汝，無所負焉。豈意卿未及踰年，已忘大德，脅從蕃部，擅舉甲兵，攻逼城池，虐劉民庶，背恩肆惡。一至于斯，料卿所為良切，興嘆所以旋徵師旅，俾命討平。既除手足之親，已失輔車之勢，寧保全於歲月，暫假息於朝聘。近者累上表書，頗引憊犯，且言違背，事出保忠。今脩貢輸，乞加溥澤，朕以好生為德，以禁暴為心。卿儻能誓改過，尤永堅忠節，朝廷爵賞亦何吝焉。朕不食言爾。宜自省，今遣內侍押班張崇質賜卿器幣、茶藥、衣物等禮。朕意焉。

銀州觀察使趙保吉除定難軍節度使制至道元年十月二日甲辰

天無私覆作善者降之百祥國有彝倫仗順者享其高位銀州管內觀察使金紫光祿大夫檢校太傅兼御史大夫上柱國天水郡開國侯趙保吉天資正氣世襲雄名考以承家寬能御衆先帝早深注意方議推恩值軒昂之俄成築韓壇而未暇連耿躬之績位俄封疏以貢珍彰厥遠圖冠于當代宜伸懋賞式勸忠勲可光祿大夫檢校太尉夏州刺史定難軍節度使夏銀綏靜等州觀察使置押蕃落等使加食邑一千戶食實封三百戶仍賜功臣

賜趙德明詔景德元年正月丁巳

近據西路緣邊諸州秦汝父族下蕃部繼續來投具言汝父於靈州界云亡相次廊延路鈴轄張崇貴奏稱汝回言云葬事未畢難發表章乞就便申奏事汝父生于邊陲素有勇敢朝廷賜以土地接之

節旄其於心誠亦本忠順適後始因間謀自起憂疑事一境之干戈
隔二紀之叢教朕為人父母富有寰區思息戰以安民俟輸誠而改
節終期彼志遐副朕心今覽奏陳述云喪逝况早殫宗屬曾列侯藩
自違予聞能不傷歎念汝守茲空塞方在誓斷屬此艱難諒增哀慕
又緣信人未至所以慰問難行勉自扶持式終禮制餘事已令張崇
貴與汝期約商議想宜知悉

答趙德明誓表

景德三年九月丁卯

卿門承勳緒世享國封屢拜章函未修貢職願為屏翰以紹祖先朕
乃眷至誠用頒溫詔令陳信誓洞見傾輸嘉獎之懷寤興良積

趙德明拜官封西平王制

景德三年十月庚午

利用建侯外監方國撫寧陝慈臨長士民在名器以斯崇匪勳賢而
弗授故定難軍節度使趙保吉男德明襲其令緒蔚有長才舉宗聯

命氏之榮奕世荷殿邦之寄務尊王室勤守朝經率職嚴琛拜章請
史眷言恭順宜反褒崇是用建上將之旌旗錫真王之印綬纒乃舊
服鎮於夏臺於戲信誓之言與丹青而炳煥寵榮之因同帶纒以締
長期宣翼戴之勤協贊混同之化永作藩輔不其美欬可特進檢校
太師兼侍中夏州刺史充定難軍節度使夏銀綏宥靜等州管内觀
察處置押蕃落等使上柱國封西平王食邑六千戶食實封二千戶
賜推忠保順亮節珣戴功臣仍依內地節度使例給俸

答西平王趙德明詔

大中祥符九年十月

卿世濟勲庸任隆屏翰竭臣忠而奉上正師律以守方克樹風教聿
寧邊侯其於眷倚固異群倫今者特賁丹誠罄陳奏凱詳彼縷述不
照傾軔且國家奄宅中區統臨四海矧惟履帝豈限遐遊顧茲西北
之陸素為襟帶之地曷嘗不教之賞勸示以懷柔至於將帥之臣但

仲禦脩之戒唯閑防是守吐盟款是遵靡容侵漁庶安境土所有文字來往辭說異同部族貪殘展轉餽報過生口彼此交還其如不見端倪互相誣執或因緣攘竊增飭逃求朝廷固不細知違禁未為常事兼詳表奏脩述其由觀卿明誠頗究積弊若令檢校俱慮泝章朕度奉穹吳永宗清淨相息示信六合同風眷惟恭順之心益固初終之節嘉歎之意注想彌增已今卿延涇原環慶麟府等路都署於轄司今後約束蕃部不得輒相劫奪擅興甲兵凡於交爭須盡公理其有廣占阡陌隱庇逃亡畫時勘窮押送所管卿本道亦仰嚴勒部下不得更有蔽匿各遵紀律共守封疆言念志勩不忘鑒察

趙德明進尚書令加恩制

乾興元年
仁宗即位

門下朕仰奉詔謀嗣臨寶位負荷之重方若涉於大川爵賞之行宜普均於百辟具有寵聯宗籍位冠侯藩早隆誓嶽之勲通重守方之

寄屬茲纂紹特示優優告于離麗之庭錫以絲綸之命推忠宣德崇
仁保順統誠亮節守正翊戴功臣定難軍節度夏銀綬省靜等州管
內觀察處置押蕃落等使開府儀同三司檢校太師守太傅中書令
使持節都督夏州諸軍事行夏州刺史上柱國西平王食邑一萬六
千戶食實封五千戶趙德明山河稟粹象緯儲精識洞兵籍學該義
府忠純之性本自於天資竒正之機蓋由乎神授而自齊壇受箴賜
履撫綏委其外禦之權寵以真王之爵整軍講事彌暢於善經述職
脩方事昭於亮節屏于西夏克壯英猷屬予踐阼之初曠乃殿邦之
績美推茂渥式獎殊庸需泥絳之徽章冠天臺之棠秩仍增多邑復
進重封併示寵榮斯為異數於威亨嘉之運方在於統同隆顯之恩
允昭於泰注性脈休命保茲永圖可特授依前檢校太師守太傅尚
書令兼中書令使持節都督夏州諸軍事行夏州刺史充定難軍節

度夏銀綬宥靜等州管內觀察處置押蕃落等使西平王加食邑一
千戶食實封四百戶功臣散官勳如故

並七條內屬諸部諭趙德明詔

天聖三年七月庚子

勃德明近據環慶等路部言於轄司等奏報於遠熟戶遞相驚擾結
集部族圍統堡寨已降宣命添差軍馬往彼撫過去訖事卿世濟勳
勤任隆屏翰素傾輸於誠即用保乂於疆陲昨以守邊之臣失於撫
御致內屬之諸部忽驚擾以交征朝廷姑務威懷特加招輯想卿在
遠或未周知惟卿謹塞有方愛民在念遠聆朝旨諒體予衷眷賜所
深不忘鑒寐

西平王趙德明恩制

刻紀年

國家卜天正之辰修陽位之祀九州獻力聿昭來助之儀上帝降臨
式廣遂行之慶眷惟邦屏恪稟朝禱爰稽述職之勳是興時庸之命

推忠宣德崇仁保順純誠亮節協恭守正翊戴功臣定鞏軍節度夏
銀綏宥靜等州管内觀察處置押蕃落等使開府儀同三司檢校太
尉守太傅尚書令兼中書令使持節都督夏州諸軍事行夏州刺史
上柱國西平王食邑一萬八千戶食實封五百戶趙德明肅恭
東即信順存誠善濟美於世勲能納忠於王室總彼十乘訓其四封
講軍志於中權邊隅載謚奏上毛於內府時事允修勳成惠以兼資
煥宋章而彌辱甫成鉅典宜沛洪恩增井賦之田十於書社錫雲臺
之號以示旌功諒此崇褒寔彰寵教於感歸祭膳以先同姓受福攸
均載刑馬而誓元侯承家惟永克念守方之必茂遵謹度之終欽與
嘉休慎固西夏可特授依前檢校太師守太傅尚書令兼中書令使
持節都督夏州諸軍事夏州刺史充定鞏軍節度夏銀綏宥靜等州
管内觀察處置押蕃落等使西平王加食邑一千戶食實封四百戶

仍賜推忠宣德崇仁保順純誠亮節協恭守正佐運翊戴功臣散官
勳如故

趙元昊靜難軍節度西平王制

明道元年十一月癸巳

昨王受氏繼王所以褒有功建國承家非賢不能保厥世乃眷西陲
之守方時外禦之勞式消剛辰席告列位故定難軍節度夏銀綬宥
靜等州管内觀察處置押蕃落等使開府儀同三司檢校太師守太
傅尚書令持節都督夏州諸軍事行夏州刺史上柱國夏王食邑二
萬一千戶食實封七千戶趙德明男元昊器懷英邁義節堅明孝恭
盡於事親思信長於御衆惟乃先正奉于本朝嘉捍難於邊衛賜同
姓於宗籍表賢繼世爾寔宜之於戲書盟府之勳既載山河之誓隆
元侯之略豈無弓矢之傳尚體顧懷勿忘欽率可持授特進檢校太
師兼侍中持節都督夏國諸軍事夏州刺史充定難軍節度夏銀綬

宥靜等州管內觀察處置押蕃落等使上柱國西平王食邑六千戶
食實封一千戶仍賜推忠保順亮即翊戴功臣

削趙元昊官爵除去屬籍詔

元二年六月壬午

昔苗民弗懷首罹虞寇到支自立終伏漢誅蓋犯順者無救於國章
除殘者固限於荒服炳馬通誼時或敢踰趙元昊戎漢餘妖邊閭小
種性合虺毒忘負狼會昏頑表於稚年傲悖成於壯齒義者德并即
世西夏控哀朝廷錄守方之忠憫稱慈之禮拔於童孺付以節旄名
襲真王竊視同姓金紫有秩終繹以周其窮閭市弗讓買還以通其
貨假我明命取重諸恙因當竭犬馬之勤効涓埃之報克守先業以
稱大恩而背惠反常殺忠殺信潛舉國號扇惑蕃渠跳梁升蛙之涯
旅拒秋螿之輟公遣軍校冒賊使車列牘自陳欺天罔畏既張逆節
合舉明刑朕深憐愍特加誣覆橫道群謀密賜手書代其方命之

德開以自新之路致送來介俾還穹居庶遷善而革音終情遠而迷
復至敢驅率配隸攘切塞民騰告文符誘誑區落而朝臣列奏邊吏
抗辭廟樂偏師往平狡冗起衆稱亂之首以正不廷之辜朕載念一
夫肆狂餘衆何罪况元昊脅從濟欲濫殺逞威名酋外奔諸帳懷貳
苟戈鋌並進則玉石奚分且俾列於購科止用取其魁惡元昊在身
官爵並宜削奪仍令宗正寺除去屬籍惟彼諸部素奉本朝迨此姦
兇逆其誑誤儼能結黨歸義執賊建功必當昭洗前汚申明厚賞國有
信誓炳如丹青應賞募科格並委中書門下詳為條件以特布告
庶體朕懷

賜西夏詔

慶祐四年
十月庚寅

勅省所進誓表稱兩國不通和好已歷七年邊陲屢經久敵今立誓
之後其前掠奪過將校及蕃漢人戶各更不取索自今緣邊蕃漢人

此背邊境不得遮相繫逐酬賽並逐時送還宥州保安軍無或隱避
臣近者以本國城寨進納朝廷其係拷棧鍊刀南安承平四處地分
及他處邊境見今番漢人戶住坐之處亦乞以番漢為界仍於本界
修築城堡各從其便朝廷每年所賜絹一十三萬疋銀五萬兩茶二
萬斤進奉乾元節回賜銀一萬兩絹一萬疋茶五萬斤進奉賀正回
賜銀五千兩絹五千疋茶五千斤每年賜中冬時服銀五千兩絹五
千疋並賜臣生日禮物銀器二千兩細衣著一千疋衣著一千疋伏
乞無致改更臣更不以他事輒干朝廷只令本國獨進誓文不合亦
乞頒賜誓詔蓋欲世世遵承永以為好懷君親之義不存臣子之心
渝變使宗祀不永于孫受誅其誓表伏請藏于盟府事具悉朕臨制
四海廓地萬里西夏之土世以為朕今乃納忠悔吝表於信誓誓之
日月要之鬼神及諸子孫永無渝變申履懇至朕甚嘉之俯聞來誓

一皆如約所宜明諭國人藏書祖廟自今以往永保安和

冊夏國主文

維慶歷四年歲次甲申十二月戊子朔二十四日辛亥皇帝若曰於
戲昔夏后薄四海建方伯化克又安漢氏載甲令朕方國德以長楸
何則外為余屏既有以勅其績內信厥賞亦所以異其寵今茲錫命
是焉稽古咨爾蒸甯沉毅而敏靖恭以柔撫愛有衆保于右壤惟爾
考一其心力朕勤王事寵以書社先啓乃邦我國家歲時齊賜使介
存恤著在盟府孰為懿勳洎爾承嗣率乃舊物向以稱謂非正疆候
有言鄙民未孚師兵久戍而能違念前誓自歸本朝騰章累請遣使
遜道忠悃內奮誓言外昭要質天地暴情日月朕惟春秋功除之法
易象復順之常嘉其自新待以殊禮况繼世維烈委質有初推顯舊
勞開迪大順是用錫以典策副之印綬今遣尚書祠部員外郎張子

奭充冊禮使東頭供奉官閤門祇候延州都監張士元充副使持節冊命爾為大夏國主永為家藩輔夫濟美莫若孝奉上莫如忠保人禁暴克綏爾功朕回不忘底定於西陲也徃欽哉其光膺寵命可不慎欵

宋詞大詔合集卷第二百三十三

宋朝大詔令集卷第二百三十四

政事八十七

四箇七

四夏二

賜夏國主詔

慶祿六年五月己丑

向膺典冊昭啓國封方踰歲月之周自固丹青之信忽被秦贖且覽
繪圖具詳忠順之誠務為悠久之計爰因教請亦盡輸陳去冬嘗有
邊屬戶蕃部先洩在西界不因招誘而歸骨肉住坐本不係逃背之
人兼誓詔所不載通國來奉更設誓條已赦邊臣自今如有逃遁漢
界雖係舊邊戶亦不為容納其緣邊封境只以誓詔所載為定其堅
永好以副朕懷

賜夏國主詔

慶祿六年四月甲戌

自唐世冊已應歲年敦守信盟確然不易朕於君臣之義尤篤初終
昨詔自今更有人民逃遁漢界雖係歸屬戶蕃部亦不容納即當却
送本處今所請欲以此一事附入前來摺詔用以秋成以彰德遠朕
嘉從國主之意兼所益事條已頒下邊將遵守彼所睹聞更在嚴飭
疆吏勿縱侵犯安民保福以永無窮

賜夏國主詔

慶曆六年
九月中旬

嚮受冊封恪觀誠節心既傾于忠順誼益保於悠長比聞秦函尚陳
疆事斯則前皆立制已有定規然慮其間或有事理更須通曉今差
尚書刑部員外郎張子真於保安軍計會差未人將邊界事即面更
高議

賜夏國主贈詔

慶曆七年十二月二十五日

詔夏國主喪葬之儀孝子之大節昭時之禮國家之至恩春惟忠順

之邦厚哀榮之恤緬思荼毒深用惻傷得遣使車迺膺慰錫今差
文思使張推忠充弔慰使兼賜安奠故母物色具如別錄至可領也
故茲詔示想且知悉冬寒北平安好否書指不多及

冊夏國主諒祚文

慶曆八年四月己巳

皇帝若曰於戲昔周建侯以賢而王業昌漢襲土以嫡而民風順稽
古申命蓋天下之成憲也咨爾諒祚生而沈正幼且惇懿維撫有衆
保于西疆惟爾能壹乃心祇率王命載于甲令顯有休庸惟爾考易
節効順光膺寵祿稟齡不永殂謝以閉亞閱遺章俾爾嗣服矧惟濟
美而非因委贄而勤王啓迪至懷克爲前烈今遣尚書戶部員外郎
任顯充冊禮使供臨庠副使宋守約充副使持節冊命爾爲夏國主
永爲宋藩輔夫非忠無以事于上匪孝無以繼其先欽哉祇承禮命
可不慎歎

賜夏國土進奉賀正馬駝詔

詔夏國主省所差人進奉賀正馬駝共一百疋頭事具悉履端紀歲萬邦咸稟於王正勅貢以時奕世克修於藩職載閱充庭之習深惟守土之勤遐體輟輸不怠歎獎今回賜銀絹茶等具如別錄至可領也其差來人所賜物色亦具賜目故茲詔示想宜知悉春寒比平安好否書指不多及

賜夏國主贖大藏經詔 嘉祐三年

詔夏國主省所奏伏為新建精藍載請贖大藏經帙載牌等其常例馬七十疋充印造工直俟來年冬賀嘉祐四年正旦使副附進至時乞路賜藏經事具悉封奏聿來祕文為請惟覺雄之演說推善利於無窮嘉乃純誠果於為信所宜開允當體眷懷所載請贖大藏經并經帙載牌等已令印造候嘉祐七年正旦進奉人到閔至特給付故

燕語示想宜知悉春寒比平安好否當指不多及

賜夏國主正旦進馬駝詔

嘉祐七年

詔夏國主省所差人進奉賀正旦馬駝共一百頭及事具悉春元應律王朝班常載惟藩守之虔爰任風宜之貢有堅勁節良原義懷今回賜銀絹茶等具如別幅至可領也其差來人所賜物色亦具賜目賜夏國主不得借擬詔

詔夏國主體乃祖考克有函土世為漢蕃輔公爾弗蹈于前烈延竊署重爵以使奉幣於朝方邊吏拒選仍復稽留境上不及廷見之期洎朕親覽前函而借我王命寔如所聞朕疑風俗荒遠未達朝廷之儀雖然象信慢常誼不可長其務思先世之約以保綏于斯民毋忽是圖以奸我有邦之對今後所差使人即不得借擬故詔示諭想其知悉

賜夏國主乞用漢儀詔

詔夏國主者所奏非因宥州中覆稱迎接朝正使命館宇隘陋軒檻
階危僅不重修誠為慢易于是鳩集材用革故鼎新來年七月臣生
日用蕃禮館接使命十月中冬用漢儀迎接事其悉使傳之馳為規
自以候亭之陋能飭而新既有世服之志又樂邦儀之慕忽披來牘
具體廼誠如用漢儀只依昨來張宗義所行儀式次第餘並依誓詔

賜夏國主乞買物詔

詔夏國主者所奏買幘頭帽于并紅鞋腰帶及紅鞋襯等物件乞從
今後凡有買賣特降指揮無令艱阻以聞事其悉善纂前修述守西
土通奏函於信介易服用於上都體廼馳誠勤于嚮化特從開允用
洽特私已令管勾都亭西驛所依例收買應副

賜夏國主乞贖大藏經詔

詔夏國主者所奏請贖佛經大藏戴牌經帙等欲乞特降睿旨印造
靈文以俟至特幸垂給賜所有舊例紙墨工直爲七十疋續其進止
以聞事具悉大樞流教善利無方信士篤緣群迷釋趣喜觀心於法
境願輝理於秘文載省控陳所宜開允其請贖經文已指揮印經院
印造候嘉祐十一年正旦進奉人到開給付

賜夏國主乞工匠詔

詔夏國主首昕奏蓋以蕃方素稀工巧變革衣冠之度全由製造之
功敘就考工聊倩庶臣以聞事具悉謹固世封述修邦貢率我朝廷
之化特迺祖父之規遠閱來章蓋無前比宜敦爾守雖徇所陳自西
平王以來無此陳請且宜循守舊規

賜夏國主今後表章如舊稱賜姓名

詔夏國主上昊降福萬國經哀馳遠使人肅申慰禮情雖深於永慕

事或異於舊聞雖乃祖之稱藩有先朝之賜姓撫綏隆於君義親愛
篤於人倫自再納於誓言亦且循於執式忽形需奏靡固宗盟言念
舉錯之違得非左右之惑且存遠慮用迪前猷今後所上表章宜却
如舊

諭夏國精詳使人不令妄舉詔

治平元年
九月庚午

朕嗣守丕圖日新庶政方推大信以協萬邦思與藩屏之臣永遵帶
礪之約矧勤王而述職固奕世以推誠而近年來將命之使不體
朝廷之意同循規矩之常多於臨時率爾改作既官司之有守致事
體以難從且下修奉上之儀本期效順而君有錫臣之寵所以隆恩
豈宜一介于是開軼以多端而生事在國家之撫御固靡爾以無疑
想忠孝之傾輸亦豈欲其如此故特中於旨諭諒深緬於春懷今後
所遣使人更宜精擇不令妄舉以恭真章所有押賜押伴引使臣等

亦已嚴行戒勵苟有違越必寘典刑載惟信誓之文炳若丹青之著
事皆可守言責弗違毋開問隙之萌庶敦悠久之好

諭夏國涇原秦鳳熟戶弓箭手不可更行侵掠過生日並

須撥送詔

治平二年
五月丁卯

朕紹承丕命撫育多方念遐邇之所懷唯恩信之是篤迺顧涇秦之
道適當蕃塞之交謹封守以有常列部加而相望安其生聚精育歲
年不圖非意之間忽此無名之舉侵掠堡障蕩焚資糧始成生事之
端殊失未藩之體此雖馳於詔命復尚滯於使人洎觀秦陳尤異開
聽况先朝之厚德從乃父之再盟仰要日月之臨其固山河之界今
輕渝舊約規肆末圖苟非所以致福有邦保名厥後儻未思於遠略
終苟釋於疑懷交兵殲民朕豈樂此其涇原秦鳳路一帶熟戶及弓
箭手地分宜遵誓詔自今不可更行侵擾所掠過生日並須發遣各

選佳坐其學畜等亦各歸戶下庶二邊之俗得遂耕耘之安而累世之忠更同金石之久永毗王室不亦美欤

賜夏國主取問無名舉兵迫大順城詔

治平二年十月二日
上柱國齊宣公終不同

出

詔夏國主據環慶路經略司奏云云國家戒威武以安中夏推恩信以待四裔豈欲與衆興勞為邊生事乃春西陲之守嗣推累世之忠故於歲時曾無賜與之聞每戎將吏務謹封隅之常所宜恪奉朝義絲遵先訓爰日近歲頗乖素誠或侵跡元禁之土田或焚蕩近邊之族帳間雖形於旨諭又莫悉其事端載循撫御之方終示含容之體今復大驅兵衆奄至塞垣拒敵官軍蹇酬蕃戶曠守臣之上奏至終食之與嗟豈邪謀之所惑而輕舉弗思將大義不存而肆惡未已質諸天地既違迤父之盟殘爾人民珠匣有邦之福朕惟自昔罰罪必先

陳文告之辭若將因心猶足誓言之事僅終不便安克用懲今將
遣某人齎詔往彼取問到日可具事理聞奉

賜夏國主令遵守藩德詔

詔夏國主朝廷哉共所以息民施德所以懷遠顧西夏之封守素累
朝之詔書不意近歲以來繼有無名之舉邊問多擾生聚靡寧乃至
去秋忽迫大順雖云報仇於熟戶寔亦拒戰於官軍皆謂已萌之情
可見不順之迹先皇帝終務全於國體且往詰其事端洎朕承承之
初尤思撫御之以載覽未章之述有嘉大義之存矧舊載於宗盟復
躬承於忠訓宜念祖先之服蓋遵藩漢之儀使永無兵革之虞衆遂
耕耘之樂自享多福以傳無窮

宋明大詔今集卷第二百三十四

宋朝大詔合集卷第二百三十五

政事八十八

四喬八

西夏三

賜夏國主令發遣熟戶仍不得侵踐漠地詔

詔夏國主朕修文德所以懷遠人之安前威武所以廣諸夏之福豈欲為邊生患與衆興勞今據迷路經略司奏自嘉祐七年春至今秋以來夏國人騎或脅略近邊熟戶或侵擾常界以時或假以金錢禍亡命之卒或誘以官爵致無國之夫為日滋深其害未已朕新膺大統每念中原既思輯藩臣之和又將杜邊事之漸按西平之舊則參度瓜之再盟未有就父之忠頗忽朝廷之制緬慕高土久慕化風豈委任之失人致譁陳之非計夫享盛福者莫如躬德義蹈後難者靡

不繇借狂勉循至言庶保先約其前後指脅過熟戶並須盡底發遣
過界仍今後不得信縱人騎仗踐漢地致射傷人命及潛購下第舉
人逃背軍卒等所有逆次邊奏因依已具別錄

賜夏國主不還綏州詔

詔夏國主所奏差免名括移等赴塞門北分與趙秘丞商量交割塞
門安遠交領綏州雖差人去與趙秘丞一兩次相見終不與定奪了
當燕宥州續得保安軍牒開坐中書樞密院同奉聖旨安遠塞門蕃
族住坐久已蕃業應雖起移任令蕃族依舊住坐所有綏州更不給
還及云豈將邊圍之未圍有抗大廷之誠命願詳悉於云為免稽留
於事理等事具悉朕嗣膺丕祚勤撫庶邦凡德澤之所加固邇遐之
無間矧惟西夏屏于一方比載覽於誓文身俯同於誠請速按還於
舊境忽構述於異端因念二寨之民豈無故俗之戀使各安其生聚

且曲示於仁恩蓋徇彼情匪樂生事重披耒耜尚有所陳宜自斥於
末圖庶共厥於遠略向部囑重進等齎到誓表備詳恭順既降誓詔
遂令延州交割塞門安遠訖却還綏州並須合依舊界及得延州奏
夏國遣來人只要交割寨基比移牒宥州指說舊日界至回牒却稱
趙高岳有指執顯是不依誓詔交割舊界朝廷務悻大體將示函容
其二寨已令延州更不交割綏州固無給還之理自守所宜遵守誓
詔永保安靜無令任事首領輒起事端

誠約夏國詔

同前

國家遠撫方城並推恩信不專用武蓋務息民夏國世服忠勞為國
藩衛故於歲時賜與恩禮甚備期於悻守誓約傳之永久不謂累年
以來數興兵甲侵犯疆陲驚擾人民誘脅熟戶蕩覆放帳亡失生業
被遺教路略無寧歲朝廷姑務含恕不欲遽然生事止令所在移文

理辯而夏國終不承稟乃復多聚人馬直叩大順圍迫城寨焚燒村落張其兵勢以抗官軍不順之狀人神共憤朕獨排群議特降詔書直究歸由先行詰問今覽封奏所稱受賜累朝敢渝先誓祈詳代詆之患欲見和平之理推心及此良可歎嘉詳觀叙陳尚達誠懇至如此聚兵馬即託言是遣上首領攻圍城寨又指說作小可邊事誓語所載豈容如此况夏國兵甲可都無統制緣遣首領必然不可擅與若向去之有倭犯又復假此為辭則使朝廷何以信憑盟好必難保守故復諭旨所宜審圖儻欲善繼前勲不渝先志則當專遣使人別貢誓表具言今後嚴誼遣上酋首各守封疆不得點集人馬倭犯邊上其卿廷環慶涇原秦鳳等路沿邊一帶久係漢界熟戶并順漢西蕃不得更行劫擄及逼脅歸投所有漢界不逞叛亡之人亦不得更有招納有渝此約是為絕好餘則遵依誓詔如此方明效順以釋

衆旋朝廷恩禮賜與一切如舊况緣邊熟戶等朝廷素有約束若不
來侵犯必不先起事端疆場之間共期康靖

賜夏國主詔

治平四年三月

昨以夏國累年以來數興兵甲侵犯疆陲驚擾人民訪逼熟戶去秋
乃復直叩大順圍迫城寨焚燒村落抗敵官軍違奏屢聞人情共憤
群臣皆謂夏國已違誓語請行拒絕先皇帝務在含恕且詔端由庶
觀逆順之情以決衆多之論建此露章之稟命已悲仙馭之上竇瑛
纂極云初包荒在念仰循先志俯徇乃誠既自省於前事復願堅於
永好苟奏封所叙忠信無渝則恩禮所加歲時如舊安民保福不亦
休哉仍賜絹五百疋銀五百兩

賜夏國秉節詔

惟爾先父保有西陲恩覽訃書良深軫念春言荼毒情何可任勉勵

孝忠用副存撫遠諸親信之列亦同慰諭之懷餘今薛宗道等宣諭

夏國秉常乞進誓文永遵臣禮賜詔

熙寧元年

朕肇膺景曆奄宅萬邦凡撫遠人必推大信乃顧西陲之守定保累世之忠爰自近年頗隳故規以至問令首領誘害遣臣殺違憲度之常自絕貢輸之路方行詰問忽報凶哀而能懋事以謝愆滄哀而請命念方懼於荼毒審曲示於慰存乃復羈送罪酋載馳使介願堅誠節規欲日新今又奉表及奏已稟從聖旨歸納塞門安遠二恭仍乞別進誓文永遵臣禮詳覽來請朕意嘉之夏國既再修職貢所宜謹守信誓無或擾化邊圉重取悔尤至於順漢西蕃亦毋得敢有侵掠俟誓表到日即遣使封冊并以綏州給還所有歲賜自封冊後並依舊例朝廷必當誠勅邊吏約束屬戶各守疆場不得交侵則阜安邊俗式臻富庶之則結績世封克保寵榮之福

賜夏國主給還綏州誓詔

熙寧二年
二月戊子

詔夏國主省所進誓表臣聞固基業者必防於悔吝質神祇者宜務於要盟考覈彝章討論典故河帶山礪始漢室以流芳玉敦珠盤本周朝之垂範庶使君臣之契邦國之歡蔚為長久之規茂著古今之式矧茂恩於累世受賜於有年當竭情誠聽期宸聽竊以上聯世緒累受列封本宜存信以推忠豈謂輕盟而易動蓋此西戎之畫助成守土之非然而始有釁端已駢傾逝昨者期在通歡之美曾伸滙款之誠爰降締幽宛垂命旨敢陳懇幅上達至聰僮給還於一城即納跡於二寨惟賴至仁撫育鉅德保安莫原舊誓之文用復交款之永伏遇先靈廣蔭軒鑑分輝幸寬既往之辜深察自新之懇將使度流後裔澤被鴻天洎垂賜予之常恪謹傾輸之節臣敢不昭徵部族嚴戒商渠用絕驚駭併無侵軼非不知畏天而事大勉堅衛國之歡背

盟者不詳。寅懷奉君之體，若乃言亡，其寔祈衆神而共誅，信不克周。眞百歎而成，萃自敦盟，約愈謹，守於藩條，深愧借尤。乞頌迴於誓，詔其悉朕緒，承天命，盡四海而無懷之况。爾世守西土，為國藩輔，考乎今復，懲既往之非，篤自新之志，質於天地，要之鬼神，載貢誓文，納忠王室，朕才推大信，以示萬邦，俯同茲言，永無有易。其進納塞門，安遠二寨，已指揮延州，候交割訖，却給還綏州，各依舊界，仍自行封冊。以後歲賜，並如舊例，其餘約束，事節一依慶祿五年正月二十二日誓。詔施行。朕已戒勅，遣吏各守封疆，所宜顯諭，國人藏書，祖廟永保，休福。詔諸子孫，指辭已乎，故不多及。誓詔付夏國主。

賜夏國主乞早頒封冊允詔

詔夏國主比輸忠款，願襲世榮，已飭攸司，式脩封冊，屬使人之勤，請欲誓詔之早頒，庶彼邊民，聞我朝命，得遂耕耘之便，更無兵革之虞。

所宜允從當體賤遇今差某官先齋誓詣往彼至可領也

賜夏國主為行冊禮詔

世宗云未嘗在冊詔
子未嘗在夏國土

詔夏國主茲閱函封重伸誓約本誠心之自篤為封守之遠圖朕已
飭使人持馳冊禮既存緜於世土宜先諭於邊此庶遂耕耘之私永
無兵革之患緬惟忠順當體奉勤

立夏國主冊

維熙寧二年歲次己酉三月戊辰朔十四日辛巳皇帝若曰於戲昔
堯合萬邦而民風和周建列土而王業懋若古申命蓋國家之成法
也咨爾東常迪性純一飾躬靖度生稟山川之靈舊傳弓鉞之端撫
有西夏尊于本朝知事君必盡其節知守國當保其衆乃內發誠素
外孚誓言質之天地而不欺要之日月而不昧朕用稽酌故典表顯
徽寔錫爾以茅土之封不為不寵加爾以車服之數不為不榮消辰

既良倍物既渥誕舉丕冊以華一方令遣朝奉郎守尚書司封郎中
上輕車都尉賜紫金魚袋劉航文思副使銀青光祿大夫檢校太子
賓客兼御史大夫上騎都尉彭城縣開國伯食邑七百戶劉志恭即
冊命爾為夏國主為宋藩輔夫履謙順者靡不膺長福懷驕肆者靡
不蹈後虐率身和民時乃之績往欽哉祇于一人之藝訓可不慎歟

許夏國主嗣子秉常從舊蕃儀詔

熙寧二年八月口

爾世居西垂屏衛中夏既服朝廷之新命宜從蕃國之舊儀以結祖
風且堅臣節宜依來請用遂乃誠

答夏國主秉常詔

熙寧四年九月庚子

昨覽邊臣所奏以夏國去我自絕朝廷深入環慶路殺掠熟戶侵逼
城寨須舉兵入討朕為人父母至令班師無得窮武今國主遣使歸
款欲結舊好休兵息民甚善然州前已降詔更不令夏國交割塞門

安遠二寨綏州更不給還今復何議止令廊延路經畧司定立綏德
城界其餘及諸路並依見今深蕃住坐耕牧界互立封疆掘塹內
外各認地分熟收料種責彼此更無侵軼俟定界畢別進誓表迴頒
誓語思賜如舊

賜夏國主乞贖大藏經語

詔夏國主有表乞收贖釋典一大藏并茶帳復怕前後新舊經書經
文性觀宸慈特降旨命令有司點勘無至脫漏卷目所有印造裝成
紙墨工直並依例進馬七十疋聊充資費早賜近年宣給事其悉維
是佛乘著為象教載覽需幸之奏懇求其譯之編已降允俞特行賜
予春言信嚮良用歡嘉所請贖經文已指揮印給所應有經本並如
法印造給賜令保安軍移牒宥州差人於界首交割至可領也所有
馬七十疋更不用進來故茲詔示想宜知悉去寒比平安好遣書指

不多及

招諭夏國勅

元憲四年九月丙午

賸燕西夏休有舊封爰自近世以來尤謹未藩之職忽存臣之親命
致弱主之被囚迨移問其端倪輒自隳於信約暴驅兵衆直犯塞防
在神理之莫容固人情之共憤方切拯民之念宜興問罪之師已遣
將臣諸道並進其先左夏國主左右并寇名諸部同心之人並許軍
前拔身自歸及其餘首領能相率效順共誅國讎隨切大小爵祿賞
賜各倍常科許依舊土地住坐子孫世世常享安榮其或違拒天兵
九族並誅無赦蓋天道助順必致萬靈之歸王師有征更無千里之
敵咨爾士庶久罹困殘其尙向化之心咸適更生之路敢稽朕命後
悔何追

宋朝大詔合集卷第二百三十五